

05.24

Kvennalistinn: Mál. 29.5. '91

# Aukin áhersla á grasrótarstarf kvennahreyfingar

SAMTÖK um kvennalista héldu fund í Skálholti á laugardag og sunnudag, þar sem farið var yfir stöðu Kvennalistans í kjölfar kosninga. A milli 50 og 60 konur sóttu fundinn. Að sögn Ingibjargar Sólrunar Gísladóttur alþingiskonu var helsta niðurstaða fundarins sú að beina starfi Kvennalistans úti á landi meira að almennu grasrótarstarfi en þingstörfum.

„Við vorum að velta fyrir okkur útkomunni í kosningunum og stöðu Kvennalistans í þeim kjördænum sem ekki hafa þingkonu núna og þá kannski sérstaklega þar sem við misstum þingkonur. Niðurstaðan varð sú að þetta ætti ekki að hafa mikil áhrif. Starfið yrði bara annars konar. Það myndi ekki beinast eins mikið að Alþingi, heldur almennu grasrótarstarfi, meira í ætt við kvennahreyfingu en pólitískan flokk,“ sagði Ingibjörg Sólrun í samtali við Morgunblaðið.

Ingibjörg Sólrun sagði að Kvennalistinn vildi vera tvennt: Annars vegar þjóðmálaafl inni á Alþingi og í sveitarstjórnunum og hins vegar kvennapólitisk hreyfing, „sem vinnur úti á akrinum. Það hefur náttúrlega farið óskapleg orka í það að fylgja eftir þingstörfum. Það er kannski sérstaklega úti á landi, þar sem eru færri virkar konur heldur en hér á höfum umborgarsvæðinu, sem þetta hefur

orðið þungamiðjan í starfinu. Nú hyggjast þessar konur beita sér öðru vísi en þær gerðu, sem er kannski breyting af hinu góða,“ sagði Ingibjörg Sólrun.

Ingibjörg Sólrun sagði að á fundinum um helgina hefði einnig verið fjallað um Evrópubandalagið og tengslin við Evrópska efnahagssvæðið. „Það sem var rætt um í því sambandi, var hvernig við gætum komið meira inn í þessa umræðu, ekki endilega á Alþingi, heldur í gegnum fræðslu um stöðu kvenna innan Evrópubandalagsins og hvaða vangaveltur eru uppi hjá okkur um áhrif tengingarinnar við Evrópska efnahagssvæðið á konur. Það sem við höfum mestar áhyggjur af, er að þessi umræða „pólariserist“ mjög mikið. Annað hvort eru með eða móti. Við viljum stefna að því að koma hér á fræðslu og umræðu sem eigi sér stað, áður en þetta „pólariserast“ um of,“ sagði Ingibjörg Sólrun.

Ingibjörg Sólrun var spurd hvort Kvennalistinn hefði ekki einmitt tekið mjög eindregna afstöðu á móti, án þess að sú umræða og fræðsla hefði farið fram sem hún talaði um: „Við höfum verið mjög gagnrýnar og gjöldum varhug við þessu. Hins vegar viljum við ekki afgreiða þetta sem óalandi og óferjandi fyrirbæri, því það er auðvitað ýmislegt að gerast hjá Evrópubandalaginu sem er full ástæða til þess að fylgjast með og væri hægt að nýta sér, án þess að maður beinlínis gangi þar inn. Evrópubandalagið er ekki alveg alvont. Það eru ýmis lög sem þar hafa verið sett og ýmsir dómar sem þar hafa fallið varðandi konur sem mætti nýta sér, án þess að það séu einhver rök fyrir því að ganga inn,“ sagði Ingibjörg Sólruna Gísladóttir.

